



РУСКИ НОВИНИ

ЗА РУСИНОХ У КРАЉОВИНИ СХС

Рок IV.

Нови Сад, пятък 22. априла 1927.

Ч. 16 (123)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Шицким нашим претплатником винчуеме щеш- ливи Вельконоцни Швета! ХРИСТОС ВОСКРЕСЕ!

Воста, нѣсть здѣ...!

Було то єдного рана, кед перши зарі слунка лем, цо почали ошвицовац високи палати святого варошу. У загради богатого Осифа обачиц було чудне рушане: преплашени стражаре сцекали — за нїма и жени. Страх и радосц им видно на лицу. Вони видзели празни гроб и однього одвалени камень. У гробе плахти а при нїх створене, котре не припадало томе швету — Ангела. То було найсвятїше место, котре слунко на своім путованю коло швета дараз ошвицело. Милїони людзох ише и нешка у духу патра на заграду Осифа з Ариматеї. Найважнейши собитїя историї швета скапчано зос гробом Мученика з Назарету. Цале Христїянство зос свою виру вишло зос того отвореного гробу и стої на одваленим камену. Найсладши и найсвятїши надїї рода чловечого настали и наставаю при тим гробу и камену. Так будзе до конца швета. Бо зос Його гробу виходзи запах бесмертносци. Воста, нѣсть здѣ! так гварел Ангелски глас при гробу. Христ станул живи. Його цело преображено швици ше як да нїгда не було бичоване. Його шерцо заш дурка. Шицко цо страцел заш ше му поврацело красота, чесц, слава и гу томе бесмертносци. Христово воскресенїе значи нашо будуще воскресенїе, значи воскресенїе правди и добра.

Але Христ же далей у своєй Церкви, „Аще же мене изгнаша и Вас изженут“. Исти неприятели Христа, котри ше теди волали фарисее, старци и кнїжници являю ше и нешка лем под другим меном. У Русїї комунисти у Мехику Калес, па фрамасуце, либералци и социялисти шицких народох и державох. Шицким им єдина цель поховац Христа, викопац гроб Христовей науки, унїчтожиц и поховац Його церкву. Пре то вони, кед приду до власци приношую противирски закони, котрим єдина цель: ограничиц шлебоду совисти, зопрецспасоноснедїйствоване церкви. Єдним словом привалїц ю зос вельким каменом. Але не забудзме, же Спаситель уж з нагоди воскресенїя Лазарова гварел: Аз єсмѣ воскресенїе и животѣ вѣруйя вѣ мя не умретѣ вѣвѣки, — а дараз ше запитал Марту, шестру Лазарову: Вѣруєши ли сему (Йо. 11. 25.) То вопрос, котрого поставел и на нас. Ти дзецко модерного двацетого столїтия, цо жиєш у вику крилатицох и радиоох, верши у тогу правду? Вериш же лем по Вельким пятку приходзи радостни дзень Воскресенїя, по церпеню и страданю, награда и слава? Вериш, же тот исти Господ живота и шмерци, цо зос свою силу одвалел камень и вишол з гроба, вишлебодзи од шиц-

ких терхох и крижох тих, котри иду за нїм. Прето Воскресенїе Христово най

нам будзе празник надїи и любви.

Христос воскрес! П.

У нашом отечеству

Политическе положение

Як цо и указовали шицки знаки влада Узуповича не могла длуго тирвац. И паисце Узупович дал в субботу оставку. Краль дал мандат Викичевичови дотеразшньому Министру просвити и вон составел владу радикалох и демократох (Давидовичевцох). До тей влади за тераз не ступели члени пучкей странки. Демократи достали 5 места а непополнети остали 5 министриох. Бешедує ше, же нова влада ма буц и изборна, и же ше празни места подполня повремену. Прето и засидания парламента оддалени до 1 августа. На 1 августа би ше мал зийсц парламент и вец росписали би ше нови вибранки, котри би ше окончели на швето Воздвиженїя. А чи то так будзе увидзиме.

Побунели ше добровольци

У Бачким Петровом Селу ревидирала ше жем, котра подзелена добровольцом, бо вельо домашнього худобного швета остало без жеми и хлеба. А треба и їх удоволиц Добровольци не сцели одступиц од удзельней жеми, але набили бирова и новтаруша. Тих днєох жандармерия привелла дас 30 тих добровольцох до Нового Саду да ше им судзи по закони, же ше бунели против власци.

Нова пожичка

Єдна америцка група банкарох понукла нашей держави пожичку од 30 милиони долари же би могла збудовац желез-

ницу у западним краю рики Вардар. Длужина би виношела 450 километри. Условїя су повольнейши як при познатей блеровей пожички.

Шнїг у южней Сербїи

Як приходза висти у даєдних крайох южней Сербїи и Чарней Гори западал вельки шнїг, прето и при нас так хладно.

Перша автоматска телефонска централа

В недзесю отворена у реновираним зданию Новосадскей пошти перша телефонска централа у нашей держави. Таки централи ше находза лем у вельких модерних варошох и перша котра ше, послужела зос ню була наша рускиня Натала Салонскова званичница при телефону.

Хибни паперови пенеж

Народна банка видала наредзене да ше од паперових пенежох одбие така сума у вредносци, за кельо милиметери хибни од фарбеной часци пенежох. Поштова дирекция видала тиж наредзене своім званичником, да не примаю подрани паперов пенеж, але да людзом поведза, най го замена у народней банки.

Несцу есц

Политически виновници, котри одсудзени до цемнїцу у Митровици ступели до штрајку и

несу есц. Уж 15 дні цо не вжали ніч. Давни од нїх так ослабли, же ше очекув їх кончина.

Напад злодіо на железницу.

Прешлого тижня непознати злодів вицагли шруби испод шинох при станици В. Келебія недалко малярскей граїци а пред тим, кед воз ишол през лес штреляли до вагонох. Вельке вщесце могло ше догодзиц але случайно воз барз по мали

ишол. Випатра, же то вимцене давних роботникох, котри одпущени зос служби.

Наш камень за Америку

Тих дньох по перши раз вивезло ше 7 вагоно билого камня зос Далмації до Нью-Йорку. Велька каменарска фирма Джексон гвари, же тот наш далматински камень найлепши на швецце. А у нас го, слава Богу, и ест.

Упозорене емигрантом до Канади.

1. Велі нашо Русини питали ми ше у писму, чи не мож на даяки способ преїсц до Канади о трошку компаниї лебо держави. О тим сом писал до Канади и достал сом писмо од Украинского Колонизаційного Друштва у Едмонтону, у котрим ми пишу, же то не возможно прето, бо канадски закон таки, же компаниї би не могли з помоцу власцох и суду вигнац длуство од того, цо допутовал зос неплацену карту.

2. У истим писму пишу ми, же можу за наших Русинох виробит афидевити, лем най пошлем їх атреси. То важне за тих, цо маю дзеку путовац до Канади, а маю вецей як 45 роки, бо од линиї не можу таки достац гарантни писма, док

афидевит зос Канади можу достац и старши. Тоти цо би ше сцели зос тим хасновац, най ми дорас пишу, а треба да означа и роки, виру и котри язики бешедую.

3. Линия „Canadian Pacific“ ма того лета превесц зос Европи вельо емигрантох, и прето и тоти цо уж спремни за путоване, муша досц длуго чекац шора. Же би и нашо людзе зос тим не були учкодзени, я виробел у „Jugoslaviya Express Agencija“, же и на їх линиї (Cunard Line, White Star Line-Била Гвизда), котри маю найвекши и найшвидши шифи, можу путовац нашо Русини у кажди час, же би не мушели чекац шора. Лем модлім тих, цо маю дзеку путо-

вац, най ми дораз пишу, же би могли достац гаранцију, и най ми означа час кеди би сцели путовац. Натпоминам, же тераз е за емиграцију до Канади

найзгоднейши час, бо познейше (влєце и в ешені) чежше найсц добру роботу.

Илько Крайцар,
Загреб, Рибњак 12/11.

Обліваня на 2. дзень Велькей ноци.

У нашим народу звичай, же хлапци и хлопи иду по обліваню на други дзень Велькей ноци. Звичай то барз стародавни а походзи ище од перших викох християнства, кед Християне отримовали процесії на 2 дзень Воскресенія а погане их зос воду розганяли. Кед би нашо обліванє було спомен на Воскресеніє Христово, па кед би еден другому поздравкал Христос воскресє а при тим го зос швецену воду покропел, було би барз крашнє. На жаль то не так. При обліваню превельо раз приходзи до подзивеня. Особено млада

челядз справує ше нешумне. Легине знаю так обляц зос воду, же ше не раз случело, же дотични особи, понайвецей дзивчата, достади запалєнє плуцох и животом плацели тоти обліванє. Крем тототи обліваче знаю ходзиц по обліваню и подчас служби Божей, а не раз знаю сами себе так „обляц“ (лем не зос воду!), же у право бридко!

Не гуторимє процив тому народному звичаю, але припоминамє, да вшадзи па и ту чуваме нашу народну чесц и так ше справуємє як швечи людзом просвищенім и Християном.

ШИРОМ ШВЕТА

Женске право гласа.

Английски министер Балдвин виявел на засиданию парламента, же на ешенских засиданиюх парламента будзе предложени закон, по котрим би и шикки жени, цо наворачели 21 рок мали право гласа при виберанкох. До тераз у Англиї

право гласа мали лем жени, котри наворачели 30 роки а були економски самостойни.

Стаховита буря.

На Стредоземним морю давигла ше страховита буря особено при держави Мароку. Даскелі ладі нестали у морских габох

ФЕЛЬТОН

М. Маер — М. Павич.

ГОЛГОФТСКИ РУЖИ.

1.

Вельки Назарянин вигварял свойо предпоследни слова: „Оче одпущ им, бо не знаю цо робя!“ Вигварял их баш у тог час, кед го ерусалимски народ увредзовал з найстрашнішима увредами. Тисячи народу ше назберало на Голгофти, и ту уживали и насладзовали ше у мукох Того, котри им тельо добра зробел. Лем даскельо Його найблїжших були зармуцени и потрешени страшнима муками док други ше му ругали и плювали на Нього. Але медзи шицкима була ище една особа, котра тиж крем Його св. матери була глїбоко потрешена и розжалосцена страшнима болями Христовима. Мено ей було Октавия Валерия, седемнац рочна дзівка Марка Семпрония, команданта римскей стражи у ерусалимскей тверджави Антоний.

Уж тому два роки як вона упознала Назарянина, видзела го яку предворию храма поврацел вид шлепому од родзєня, и як раз оздравел хромого. А чула од людзох, же дзєшка у Наму воскрес умартого легиня.

Тоти дїла Його велькей любови у милосердия гу бидним глїбоко вошли до младеї души Октавиї, же прето барз любела и поштовала того пророка. Вона була Римлянка и поганка, але вона видзела у Назарянину якушик векшу силу, котра ма окрему задачу медзи жидовским народом. Па кед нешка рано чула од свойого оца, же жидовски поглаварє влапели пророка зос Назарету, и же го сцу придац прокураторови Понтийскому Пилатови, да му вон судзи, вона була цалком збунета и розжалосцена. Твардо верела, же вон ніч незавинел. Добре познавала и жидовских поглаварох и священикох, же не буду мирни док го не увидзєа осудзєного. Прето ше такої зобрала и пошла на Литостротон, дзе мал прокуратор судзиц Назарянина. Барз ше злекла, кед попатрела на бляди зароснути и од мержнї викривени лїца и гамби жидоха, и кед слухала їх од кричаня уж загрипнути гарла:

На шмерц зос Назарянином!..

— На криж зос нїм, бо вон хули гуторел на Бога!.. А вец кед чула прокураторово слово як им го придава, да Го на криж прибию, шерцо ше ей сцисло од велького болю. И да не було ей послужительки Агапей котра ю притримала, була би спадла и настрадала медзи тим силним народом. Агапея ю на-

гваряла, да ше враци дома, але ю не сцела послухац, бо одредзела, да Назарянина сїдудє и на Голгофту. Кед пришла з народом на верх, и кед видзела страшни Христово муки, теди пожаловала чом не послухала Агапею. Його муки були таки страшни, же ей вше остали пред очми до шмерци. Аж тераз на Голгофти вона упознала яки силни и вельки пророк зос Назарету.

— Не могла похепиц „як може Вон буц таки благи, цихи и мирни на тоти вельки увреди, цо их доставал од народа, котрому превельо добра зробел?..

За ню то була чежка загадка, котру не могла одгадац. Кед и чула ище и слова Його, дзе шицко своїм неприятельом отнущє, теди застановела своїо диханє и воскликла:

— Господи, яки ши вельки, яки узвишени!.. Зос тим словами доказала, же вери у невиносц Христову, и же лем клевета и велька мержня и злосц людска приведла го до шмерци на крижу. Чловек, котри тельо добра указал своїоу народови, котрого водзєла гу бидним лем любов и милосердие, як тот може буц злодїй, яким го оптужели жидовски поглаварє? Чи може буц у шерцу едного злодїя, тельо любови, милосерди и правди за ближнього? Не! Млада Римлянка була твардо прешведче-

на, же вон жертва безконечней мержнї тих, котрим Вон шмело и отворено до оч повед; же су обилени гроби, з однука полни смроду..

Док вона так роздумовала, нараз хтошка медзи народом скричи:

— Патьце! Назарянин умер!..

У тот час с Христових белавих устох учули ше остатнї слова.

— Оче до рук Твоїх придам дук свой!..

Як то виповед, преклонел главу и умар.

Кед видзела млада Римлянка, же ше Назарянину глава преклонела, очи ше заварли а диханє престало. зламала з рукама од велького болю, и у тим жалю виповедла:

— Назарянин — Бог..

У тот час витаргне ше з рукох своей послужительки Агапей и покочи гу крижу, на котрим вишело умарте цело Назарянина, облапи го з обидвома рукама и випове у своїм вельким болю.

— Вельки праведниче, цо з тобу зробели!..

Спадла под крест; и кед преклонела главу гу жеми, збачела под самим крижом зос едного места медзи крижом и розпуканим каменєм вирости три красни ружи, червени ягѳд крєв, котра чўрела зос ранох Назарянинових.. Тоти ружи скорей ту не були, а и не мо-

а вельо людзе тиж при тим настрадали.

Вельке трешене жеми.

Тих дньох у републики Чиле догодзело ше велько трешене жеми. У самим варошу Сан Диего велі ранетих и 50 мертвих. Медзи народом панує вельки страх.

Албански посланик поволани.

Посланик албанскей держави Цена-бег поволани од своей влади назад до Албанії. Причина томе стої у тим, же Цена-бег явно гуторел, же наша держава не дума о ніяким неприятельству зос Албанію. Його поволани бо так захтевал Мусоліні.

Експлозія муниції.

У Галацу (Румунія) при преношованю державного складища запалела ше една часц муниції. Експлозія була така силна, же два бліжши хижки одлещели до воздуха. Забито 5 особи а три чежко ранети. Од забитих лещели фалати цела аж на кров сушеских хижох. Експлозія тирвала вецей дні бо у тей улці було вецей меньши магазини, котри еден за другим експлодирал.

Поляци процив греко кат. священікох.

Конзулати польскей републики у нашей держави и у Ческей несцу допушци а ні ед-

ному греко-катол. паноцови да войдзе до Польскей. Кед давден „священік греко-католик сце пойсц до Польскей, муши директно достац допущене од министрїі зос Варшави. Инак жидом и комунистом Поляци не браня усельовац ше до їх „Крулевства“.

Воена диктатура у Литваниі

Агитация большевикох у держави Литванскей пришла уж до того да явно виставляю большевицки червени застави. И медзи войском уж нестало дисциплини. Озбылни политичаре уж явно гуторя, же би едини спас бул, кед би ше заведла воена диктатура.

Мобилизация Япана.

Одношенія на востоку вше баржей ше компликую. Недавно Русия мобилизовала свойо групи на граніци Китаю, а тераз то зробел и Япон. Една дивизія войскї прешла граніцу Манджуриі.

Прогонене Славянох у Италиі.

По нареданю талиянскей министрїі нукашніх ділох шицки дзецом заведеним до кнїжкох означена народносц „талиянска“. Шицким школьским дзецом заказано у школах инак бешедовац як талиянски. Так едно словенско дзівче у школи валала Мирно при Горици мушло 2 годзини клечац зато, же бешедовало по словенски.

Читайце „Руски Новини“

глироснуц медзи тим голим каменюм. Вона ше тому барз зачудовала, а и сама незнаючи цо роби нацагла руки до ніх и зтаргла их. А кед попатрела на свою руку, пальци ей були од цеплей криви, цо капкала зос Христових ранох на голгофти ружі...

Вечар, кед пришла дому до своей хижки, положела тоти кирвави ружі на трокраки полацени сполік попрі своей посцелі. Ище длуго у ноц роздумовала о страшним собитию, цо ше того дня догодзело на Голгофтих. Уж ше загашело кандило, котре ошвицовало ей хижку, але ей пред очми вше бил умарти Назарянин, розпяти на крижу... Нараз вона попатри на столік дзе були ружі. Але за чудо!... Од тих ружох приходзела така червена ясност, ягод кед слунко швици през червено скло... Римлянка зос страхом приступела гу століку од котрого приходзело таке шветло... Але при посцелі збачи бляди лик Назарянина у длугей билей шмати, котру мал на себе, кед бул на суду пред Понтийким Пилатом.

Очи му були мили и благи... Римлянки ше привидзело, же ю вола гу себе... Вона гу стала ягод камень, не могла ше зместа рушиц. Од того видінія ше барз злєкла, и так спадла на свою посцель... А кед заш-

отворела очи, слунко уж високо одскочело.

На поладне приповедала своей мацери, цо ше ей вечар стало, а оец при полудзенку гуторел, же Назарянина поховали у загради богатого Осифа з Ариматеі, але же Жидзи були рано при Пилатови замодліц го, да постави стражу при гробу, бо пророки и ученики гуторя, же треци дзень їх Учитель воскресне од мертвих!...

II.

Будо треци дзень по шмерци Назаряниновой. Праве швитало. На востоку ше указала красна заря зос своїм червеним шветлом. У тот час Октавия Валерия вишла на дзвери тверджави Антоний, котру праве теди отворели римски стражаре. Прошла гу западу, там дзе бул гроб Назарянинов.

Барз понагляла, ягод да ше бої, же придзе нескоро. Понеже було жимно, округела ше до волняней хустки. Цали Ерусалим бул ище у слатким сну, а и улці були цалком празни. Як барз понагляла натлукла себе и ноги на каменю.

Але то ей ніч не завадзало, вона лем сцела чим скорей присц на пророков гроб. У правей руки мала тоти три ружі, хтори на пяток зтаргла спод креста Назарянина. Надумала себе, же з німа украици гроб. Його,

Зос наших валалох

Р. Керестур

На други дзень Велькей ноци Гимназия зос Петровцу у Бачкей будзе тримацпоучну за-

баву, на котру ше каждая поволує. Циль тей забави, да ше збліжа два братски народи, Русини и Словаци! Найжие злога Славянства!

Державне газдовство.

НАША ДЕРЖАВНА ПОШТА

Министар Пошти виповед у парламенту, же маме у нашей держави 703 держ. 850 контрачни, 382 помочних, 1428 валалских пошти. Прешлого року ше отворело 26 нови а запарло ше 15. пошти.

Обрацело ше доведнак у прешлим року 281 милион писма 3½ мил. паки, хтори принесли вредносц 23 мил. дин. Преко 2172 мил. дин. виплацело ше по пенезних упутницох.

У медзинародним промету приято було 24 мил. писма, а 29 мил. одпослато. Пошильки одпослато 76 тисячи а приято 972 тисячи пакети.

Маме 1923. телеграфски штациі у длужини дрота 201.774 километри.

Телеграфи було у промету Држ. и прек 4 мил. приватних.

У медзинародним промету було одпослато 550 тисячи, приято 168. тисячи. телеграфи. През нашу Држ. прешло 199 тисячи медзинародни телеграфи. Телефонски штациі 989 тисячи зос 31.058 предплатниками, хтори ище маю 8583 споредни апарати.

Радио телелеграфох маме 3.

КЕЛЬО МАМЕ РУДОКОПАЛЬНІ

Наша держава ма у своїх рукох 14 рудокопи за углев. 2 за железю, 1 за соль, 1 желе-

зару, 5 меньши метални фабрики.

Држ. виняла прешлого року зос двох копальнох железа и то Любну и Вареш: за 43 мил. сирового железа.

За соль ма Држ. копальню у Креки (Симин Хану) з котрей виняли 150.000 квинтали, а рочно нам потребно 1 милион 400 тисячи квинт. Так же нам треба принєсц зос странї коло 700.000 тисячи квин. цо винбши у суми коло 50 мил. дин.

ЦО НАМ ПРИНЄС НОВИ ФИН. ЗАКОН.

Не плацени порциі зос прешлих рокох ше пренеше на 1927 рок як длуство и ма ше плациц на рату 1—4 роки. Камат ше до 1927 на ніх не плаци.

На пиво у Босни и Херцеговини ше престане плациц од 1. януара т. року.

Исто у Босни и Херцеговини 7% прирез на доганову пресяду.

Добровольни дарунки, хтори даваю каси лебо акционерски дружтва ошлебодзує ше од порциі

Каси буду од 1-го януара плациц порцию од тих пенезох, цо добию на улозу.

Приватни чиновници и службеници на свою плацу буду плациц од 6—12.000 дин. 3½% од 12—24.000 дин. 4% од 24—

Уж прешла спод варошких дзверох, котри водзели гу гробу Назарянинову. И праве кед сцела, же здраги войдзе до загради Осифа з Ариматеі, увидзела пред собу вельке шветло, котре ше ей вше баржей прибліжовало... Октавия ше так злєкла, же не могла далей. Шерцо ей силно дуркало, же не могла ані дихац... И видзела опрез себе тот исти лик, котри видзела пяток вечар у своей хижки. То бул Вон Назарянин. Од страху и почитаня спадла на колєна и ліцо свойо спуцела гу жеми, бо шветлосц була така велька, ягод, кед би патрела до слунка. Нараз осети на глави, же ю легко погласкал. Ясно учула слова: — Дзівко моя ставай!... Врац ше дому свойому и каждому поведз, цо ши видзела! Я (Исус з Назарету) и воскрес сом од мертвих, як и ти найдзеш воскресениє и живот, бо ши верела!...

А кед дзвигла заш свойо очи, уж вецей не було шветлосци, а у правей руки голгофски ружі достали таки силни и мили запах ягод да їх ест на тисящи...

Два годзини потим чула од свойого оца, же Назарянин вицас рано на чудесни способ воскрес зос гроба. Як приповедали стражаре, котри чували Його гроб, то ше догодзело праве теди, кед Октавия Валерия стретла тото шветле явленіє.

Вона була бизовна, же то нікто други не бул лем голгофски Мученик, котри ю пре ей виру так наградзел, же ше ей указал у часу свойого воскресения.

През триец и еден рок жадна була Римлянка увидзиц шветли лик пророка зос Назарету. През тоти часи чувала вона зос святим почитаниєм голгофти ружі, як спомен и найкраши дарунок Назарянинов, котри ей у часу свойого славного воскресения обецал воскресениє и живот, бо твардо верела.

За страховитих гоненєнох. Християнох за цара Нерона, Октавия Валерия була рогаргана од дзивих жвирах у римским амфитеатру. Побожни християне позбєрели ей цело ведно зос голгофтскими ружами, цо їх мала на своїх першох у часу страшной шмерци. Ей цело положели на вични сон до катакомбох св. Севастияна на Вїї Апії за Римом. На крест ей дали урезац три ружі як символ вири, надїи и любви. Задлуго ше ище ширел красни запах голгофтских ружох по Севастиянових катакомбох и християнох опоминал, же ту почива драгоцина лєлия и найкраша ружа Божанского Христа зос Назарету, котри шицким гутори:

— У Назарянину ест живот и вична слава!...

36.000 дин. 4 1/3% од 36—48.000 5% и т. д.

Такса на акцији ше зніжела на 1 1/3% а на купони ше не плаци ніч.

Такса на куповни контракти покретни 1% на непокретни (зем) 4% на наслідство ше не плаци ніч.

ТРОШАРИНА

На шпиритус ше зніжела на 16 дин. хтори ше прави у Газдовству а у торговских фабриках на 17 дин.

На паленки зніжене у наших крайох 15 дин. хто плацел трошарину на исту треба приявиц

да ше му повраци, до 30 априла т. року.

На пиво ше будзе плациц 62 дин. од 100 лит. Зос иностранства 90 дин. од 100 лит.

На бензин и други дестиловани витрийони 400 дин. на 100 кгр, кед ше бензин употреблява за мотори и машини у фабрики не плаци ше ніч.

Не плаци ше од електричних грушкох, кед их набавляю просто зос Иностранства.

Царина на новинови папер, цо ше хаснуе на друкарню ше спушчала на 1 дин. од 100 кгр.

Сообщел: Мих. Колошняй.

Вшеліячина

НАШОЛ МИЛИОНИ.

Арсен Чолаков з валалу Чепша (Булгарска) пошол рубац древо до леса и под пняком при жилох винашол камен, на котрим були якиш букви. Одвалел камен и указала му ше громада златних пенежох. Их вредносц рахуе ше на 60 милиони динари. Його сушеди, кед чули пошли до леса и готово цали лес були би уничтожели гледаючи злато, да им власци не забранели.

КЕЛЬО АМЕРИКА ПЛАЦИ ЗА ЗЛОДИХОХ.

Найновша статистика указуе же Америка трети на злодїях 16 миллиарди долара. Од того припада на званїчничох, котри ше муша старац да ше закони окончуо. 4 миллиарди дол. У тим же злодїе несцу робит траци держава 3 миллиарди долари.

ВРЕДНОСЦ СЛАМИ.

У новши часи сламу вельо хасную при фабриках паперу. Але учени кемик Гарисон зос Ньюорку гвари, же една тона слами будзе вредзиц 250 Долари. Бо зос слами возможно будзе вирабляц газелин за автомобил, отрову за мухи, фарбу за хижни крови и ище вельо хасновити ствари.

ЦАЛИ МАСТОК ШАЛЕНИМ

Прешлого мешаца умар у Паризу еден адвокат, котри

цали свой масток од 200.000 франки зогабел шаленим у едним шпиталу. У своім тестаменту так написал: „Тот масток сом заробел на шалених, котри ше медзи собу вадзели. Тераз думам, же моя длужност тот масток тиж зохабиц шаленим.“

ЧОМ ТАК ХЛАДНО?

Мешац април требал би буц цеплейши а то того року досц хладно. Чом то? Учени людзе гваря, же то з тей причини, бо воздушна струя преходзи од Исландїи през штредню Европу до Египту. У исти час преходза и жимни струї воздуху зос Русїи през штредню Европу. Прето при нас так хладно а як пишу у давних горох Немецкей западал и шнїг.

НАЙШВИДШИ АВТОМОБИЛ.

На вистави у Флориди (Америка) першу награду достал автомобил, котри прелетцел 289,620 километри на години. Вон ше рахуе як до тераз найшвидшим на швецѣ.

ДВА И ПОЛ МИЛИОНИ ДЗЕЦОХ

Прешлого року ше народзело 2 и пол милиони дзецох у зединених америцких державох. Американци ше наздаваю, же у тим 1927 року будзе 3 милиони народзених. Смертельных случайох не було а ні за половку тельо.

Шветочни отпочивок

Воскресеніе Г. Н. И. Хр.

ЕВ. ЙОАН ГЛ. 1. ЗАЧ. 1.

Въ началѣ бѣ слово, и слово бѣ у Бога, и Богъ бѣ слово. Сей бѣ искони у Бога. Вся тѣм быша: и безъ него ничтоже бысть, еже бысть. Въ томъ же животъ бѣ, и животъ бѣ свѣтъ чловѣкомъ Исвѣтъ во тѣмъ свѣтитя, и тѣма его не обятъ. Бысть чловѣкъ посланъ отъ Бога, имя ему Іоаннъ. Сей прїйде во свидѣтельство, да свидѣтельствуеъ ему. Не бѣ той

свѣтъ, но да свидѣтельствуеъ о свѣтъ. Бѣ свѣтъ истинный, иже просвѣщаеъ всякаго чловѣка грядуща го въ мїръ. Въ мїръ бѣ и мїръ тѣмъ бысть, и мїръ его не позна. Во своя прїиде и свои его не прїяша. Елицы же прїяша его, дасть имъ область чадомъ божїимъ быти, върующимъ во имя его. Иже не от крове, ниже отъ похоти плотскїя, ни от похоти мужескїя, но отъ Бога родишася. И слово плоть бысть, и вселися въ ны. и видѣхомъ славу его, славу яко едиородна-

го отъ Отца исполнь благодати и истинны. Іоаннъ свидѣтельствуеъ о немъ, и воззва, глаголя: сей бѣ егоже рѣхъ: иже по мнѣ грядый, предомною бысть: яко первїе мене бѣ. И отъ исполненїя его мы вси прїяхомъ, и благодать възблагодать. Яко законъ Мойсеомъ данъ бысть благодать же и истина Исусъ Христомъ бысть.

Благодать Бога Оца над гришним родом чловеческим указала ше у полноти своей теди кед Син Божїи, друга особа св. Троици, постал чловеком и знами жил на тей жеми 33 роки, и обявел нам вичну правду, и прецрпел за нас горки муки, и умар за нас на крижу; погребени бул и славно воскреснул треци дзень з гроба.

Чи би могло гришне шерцо чловека и подумац и пожадац векшу ласку од Бога, як тоту, цо нам ю Бог Отец указал по Сїну Своєму, Отпущел нам вичну кару, цо зме ю заслужели первородним грихом и своїма особнїма грихами, поврацел нас страцени рай, зробел нас синами божїима, розшвицел нам драгу до царства и даровал нам свою бож. помоц у

7 св. Тайнох, да щешливо дойдземе во живог вични.

До животу вичного водзи Исус избавлени души зос своім шветлом правди: „Аз бсмъ путь истина и живот.“ — Исуса не мож розлучиц од правди бо Вон е обявлене Вичней Правди Бога Оца. Прето каждая душа цо ше сце спашиц длужна вериц истину; цо ю Исус научовал и обявел

Истина у першим шору, то е сам воплощени Бог. Исус Христос, котри е Слово Божє премудросц не сотворена и шицко того, цо ше по Його обявленю соглашуе зос Божїю волю.

Лем тото можеушесциц чловека, а шицко друге, цо ше проциви Богу и Його св. волї — препасц в чловеку. — Жидзи до гроба закопали Правду — Истину, — Христа, — а Вона воскресла из мертвих; навладала шмерц и даровала нам живот-вични.

Шицко, цо год ше на швецѣ проциви св. науки И. Христа спревоцка е, преходне и осу дзене на препасц. У Йому едному найдземе шветлосц и живот правду и щесцел!

Вон е шветло „Иже просвицает всякаго чловека грядуцаго во мїр.“

Мих. Мудри.

Нашо претплатнїци

На 1927. рок обновели свою претплату слїдуюци пїи: Мих. Ерделї, торговец Нови Сад 100 Д. Петро Зубков, Н. Сад 50 Дин. Михал Мальик, обучар, Коцур 50 Д. Михал Бесерминї, Коцур 50 Д. Дюра Саломон, Господьинци 25 Д. Мойсей Киш, Коцур 50 Д. Читалня Младих Русиных, Дюрдьов 100 Д. Церковне Общество, Коцур 100 Д. Никола Хорняк, Коцур 50 Дин.

Юлиан Олар, Коцур 50 дин. Яков Олар, Коцур 50 дин. Силвестер Хайнал, Коцур 100 дин. Янко Яким, Коцур 100 дин. Янко Магоч, Коцур 100 дин. Янко Буила 50 дин. Дюра Киш Коцур 100 дин. Иван Канюх, професор, Охрид 100 дин. Осиф Джмура, Дивош 100 дин. Янко Ковач, Р. Керестур, 50 дин. Янко Малацко, Р. Керестур 50 дин. Дюра Дудаш, Вашингтон 200 дин. Дюра Кечкеш, Бачинци 50 дин. Читалня Старих Русиных, Дюрдьов 100 дин.

БЕРЗА

Берлин 1 злата марка 13.46 д.
Будим. 1 пенги (pengő) 9.95 „
Италия 100 лира 260.— „
Букарест 100 лей 35.— „
Лондон 1 фунд. штер. 276.99 „

Нью-Йорк 1 доллар	56.58.
Париз 100 франки	224.70.
Праг 100 Чес. кр.	269.—
Акциї З. К. Б. Д. Д.	325.
Швайцарска 1 франк	10.97.
Виден 1 шилинг	8.—
Наполендор 1 ком.	190.—
20 златних корун	190.—
10 „ „	95.—
Сеферин	400.—
Дукат	100.—
1 круна у сребру	3.—
5 „ „	15.—
1 форинт „	6.—

7% держав. позичка за 10 динара ном. 86.— дин. 2 1/2% ратна штета за 1000. дин. ном. 342.— дин.

За злато и за вредносни папери плацаю банки потполн курс, а за валути о даскель повна меней.

Тарговина

Жито	306.—
Кукурица	160.—
Хмель	10—11.000
Мука нулерова	.426—
„ хлебова	420.—
Млеко литра	3—4.—
Качки	35—60.—
Гуски клюкани кг.	65—90.—
Говедзина	16—20.—
Швиньске месо	20—22.—
Целечина	28—30.—
Сланїна сушена	22—25.—